

برنجی سنه

شمبرلك هر جمنه نشر اولونور

223

نومرو : ۲۸

صاحب امتیازی:

شهبندر زاده قلبلی

امیر علمی

اداره و تحریر محلی :

جفال اوغلی جاده‌سنده دائره مخصوصه در .
مخابرات صاحب امتیاز ایله جریان اجمعی در .

نسخه‌سی هر پرده ۲۰ پاره در .

۲۳ شوال ۳۲۸



وَأَعِزَّ مَوْلَانَا فِي هَذِهِ السَّنَةِ وَفِي كُلِّ سَنَةٍ

شرائط اشتراك :

سنه لکی ۳۰ ، آلتی آیللی

۲۰ غرر شدر

مالک اجنبیه ایچون :

سنه لکی ۱۰ ، آلتی آیللی ۶ فراتقدر . اعلانات
ایچون اداره ماموری محمدذهنی بکه مراجمت ایدیلیر .

۲۷ نشرین اول افرنجی ۱۹۱۰

۱۴ نشرین اول ۱۳۲۶



هیچ! عدم! شو حاله عدم، بر شکل موجودیت، بر مایه، بر حقیقت اولایوب بلکه اساسی اولایان و حقیقتده غیر ممکن اولان بر «فکر» ی ممکن فرض ایتمکدن عبارت بر وهم اولویور.

ایشته بوقطعهده صورت وسیرت، شریعت و حقیقت برله شیور، و «جناب حق بوعالمی یوقدن خاق ایتدی» دیمکه «بو کائنات» شئون الهیهدن عبارتدر. «دیمک آرمسنده هیچ بر فرق قالیور»

برنجی جله ایله: اشیاک بذاته موجود اولمادینی وایکنجی جله ایله: اشیاکده کی موجودیتک حقندن عبارت اولدینی درمیان ایدلش اولویور که هر ایکسی بر معنایه کلیر!

معرفت، بوا یکی جله نك نقطه اعتداله توحید معناسی در. اشیاک ذاتیتنه نظر غلبه ایدرسه، مفرط بر «خیالیون - ذهنیون» Idealisme «مسلكی پیدا اولور. بونظرک، افراط حالنده حد منطقیسی بودر. یعنی حق اثبات سوداسیله وحقندن باشقه وجود اولمادینی تأسیس دعواسیله «مظهر وجود» اولان اشیاک بو مظهرتی اونودیلیلر. و حقیقتده «وجودالله انکار ایدلش اولور! !»

اگر حقل ذاتیتنه نظر غلبه ایدرسه، مفرط بر «وجودیون - مادیون» Pantheisme «مسلكی حاصل اولور. شو حالده ایسه جناب حق مجموعه اشیاکدن عبارت ظن ایدیلوب توحید و وحدت دعواسیله ینه وجودالله انکار ایدلش اولور!

حقیقت توحید اسلامی ایسه کله توحیدده کی توالی لاوالاده و «لیس کتله شی و هو السميع العليم» ینه - سنده کی جمع تشبیه و تنزیهده در.

فلسفه عصر

علم اجتماعات

«حکمت» اعتباریه ادراک بشر، ابکی بیک سندن بری بکی برشی کشف ایده ممشدر. بکی اسرارله بکی ظهور ایتش ظن ایدیلن بالجمله مسالك حاضره فلسفه، مسالك موجوده قدیمه اشکال متکامله سندن باشقه برشی اولمادینی، تاریخ حکمتک ادنا تدقیقه میدانله چیقار. لکن ایش تطبیقات واستنتاجاته کلنجه، حاصل اولان ترقی وحتی یکیلکی انکاره مجال قلاز. عین فاشدن، بیک سنه اول ییچیلن برالبسه ایله بوکون کسبلن برالبسه آرمسنده کی فرق و تفاوت نه ایسه، افکار حکمیته نك تطبیقات قدیمیه بوکونکی تطبیقاتی آرمسنده کی فرق دخی اودر. دیمک که بی طرف، بر فکر تدقیق و تنقیده مالک اولانلر، بوا یکی حقیقتی اونو تمام ایدرلر.

اعصار اخیره مدینتک، براسم مخصوص ایله بر فن شکله قویدینی «علم اجتماعات» sociologie بوکون مقدرات بشریه اوزرنه پک مهم برتأثیر اجرا ایدیور، اقوام واحوال حقنده کی محاکات و معاملات هپ بوفن

جدیدک قواعد و نظریاتنه کوره ویریلور. بونکله برابر علم اجتماعاتی شویله جه اختراع اولونمش و ماشیده هر دور لوقول و بوداقدن محروم برشی ظن ایتمه لیدر. انسال بشریه آرمسنده اولدینی کبی، افکار بشریه آرمسنده دخی بلا انقطاع برتسلل واردر.

علم اجتماعات، افکار فلسفه نك مجموعهندن استنباط ایدلش بر فن اولفله اونك دساتیر واحکامی حقنده اساسی و متین بر فکر پیدا ایتک ایچون مسالك فلسفه یه و بالخاصه عصر حاضرده بین المفکرین تداول ایدن مسالكه و قوف لازمدر. بنابرین زده عصر مزك فلسفه مرغوبه سی حکمنده اولان و اوج مسالك مخصوصه آریلان مجموعه افکاری سرد و تنقید ایده رک، علم اجتماعاته برمدخل میدانله کتیره جکر.

فلسفه تنقید

LE CRITICISME

— ۱ —

فلسفه تنقیدک پیری المانیالی «فانت Kunt» در. بو متفکر شهر، عصر اخیرده حصوله کان انقلابات فکر یه نك اک بو بوک و مؤثر عامل لرنددر. فانت، مسالك فلسفه نك کثرتی نظر دفته آلاق بونك اسبابی تدقیق ایتش و نتیجه ده «افکار حاکمه و اساسیه نك بر صورت قطعیته تحق و تصنیف اولونمادینی» بولارک ایشه اوردن باشلامش و «critique de la raison pure» یعنی ادراک صافی انسانک تنقیدی نامنده کی اثر مشهوری میدانله کتیره مشددر.

فانت صور مشددر: انسانلرک اشیا و حادثاته، افکار و استدلالاته عطف ایتدکاری حقیقت، و هاله وجوب و ضرورت، عجا فی الواقع اشیا و افکارده میدر؟ یوقسه ادراک بشرده کی دساتیر و قواعدده می در؟

مثلا انسان: فلان شی، بالضروره بویه در «دیور. و بو حکمی ویرمکه مضطر قالیور. عقلنی انکار ایتدکجه باشقه بر حکم ویره میور. عجا بوضرورت حکمی عطف ایتدیکمز شیده میدر؟ یوقسه ادرا کزده کی دساتیر مطرده ده، اعیان ثابته ده می در؟ بر مثال دها فلان شی مدوردر «دیورز. عجا مدورلک، بوشکل او شیده موجود بر حقیقت می در؟ یوقسه بزم ادرا کزک او شیده بالضروره عطف ایتدیک بر شکل می در! فانت، بو مهم اسئله ویردیک جوابلرده. ضرورت و حقیقتک ادرا کزده اولدیننه حکم ایدیور شو حالده ایسه بوتون حقایق خارجه ییقبوب منعدم اولویور. اورطه ده بالکمز حقایق ذهنیه قالیور.

شو سرودادن فانت «تنقید و خیالی - ذهنی» «Idéaliste» مسلکندن افکار اوزرنده حصوله کان تأثیرات عظیمه مستبان اولور. واقعا فانت، تنقید ادراک عملی نامنده بر ایکنجی اثریه ایلاک اثرینشک تجرباتی تمیره قالمش وحتی یکیدن بر مبنای عظیم قورمش ایسه ده، ینه کندی نظریاتی اعتباریه، بومبنای عظیم، بر سر ایدن باشقه برشی دکلددر. فانتک ادراک حقنده کی نظریه لرندن متعدد مسلکله ظهور ایتددر.

فانتک مسلكی. هر حاله تنقیدی وذهنی ایکن «لوس واستوارت میل» کبی انکلیز تجربیونی «تن» کبی فرانسیز اثباتیونی اونك مسلكنده «فلسفه مثبتیه» Positivisme ایچون اساسلر بولق دعواسنی اوک سورمشارددر.

بو کی قراعتدن صرف نظر ایدیلرده فانتدن بری توالی ایدن منقدون و بالخاصه «رون» ورفقا و تلامیذی و مسلك تنقید نظر اعتنایه آلینرسه، کرک علوم و فنونک و کرک اجتماعاتک ترقی و تفضی ایچون بومسلك هیچ بر فائده سی اولمادینی و اولمایه جنی تظاهر ایدر. مسلك تنقیدی اربابنك افکار و نظریاتنده هیچ بر قطعیت، بر ثبوت و وضوح یوقدر. اولنر، هر حکمک قوتی: اولاییلرکه، جائزدرکه، احتمالی واردرکه، ممکن کوریلرکه، اولق لازم کلیرکه «کبی قیسود احترازیه ایله تعطیل ایدرلر، اولنرک آثارینی سرمایه ایدین بر آدم، هر دورلو احکام و افکار قطعیته دن استغنا ایتدیک حاله بونلرک برنی دولدره جق هیچ بر فکر پیدا ایده من.

بومسلك تأثیراتیه درکه بوکون بوتون احوال اجتماعیه ده «ریب واستنزا» حکمفرما اولویور. فلاسفه منقدون قدر، بشرتی بر نظر استحقار و لاقیدی ایله محاکمه ایدن متفکرین کوروله مشددر. منقدونه کوره اوج صورت تفکر واردر:

۱ - اصول عادی یعنی «حسن عمومی» [عوامک صورت تفکری]

۲ - اصول فنی،

۳ - اصول تنقیدی.

اولنر کوره برنجی وایکنجی صورت تفکر ناقصدر. حالبوکه بوکون بوتون انواریه موجود اولان منظومه فنیته دن استنباط ایدیلن قواعد اساسیه کوره کافه معلومات بشریه «میزان فن» ایله طاریتلا ییایوب بوندن باشقه و هاله بوندن استغنا ایده جک براوچنجی میزان، بر اوچنجی صورت تفکر یوقدر. شو حاله «اصول تنقیدی» نامنی وردکاری صورت تفکر دخی، میزان فته اوریلوب تمیز ایدیلن «حسن عمومی» sens commun، صنفه داخل اولور.

«دوروبرتی» و امثالی مدققلر: مسلك تنقید، انجق برکله ایجاد ایده ییلدی، اوده «فکر تنقید» در. بومسلك اربابی، ید بشرده دستور و ناظم اولاجق بر اثر میدانله کتیره مشددر. «دیورلر. شو حالده بومسلك بی فائده دردیبه تدقیق ایتنه ملی، آلدن آتمالی می در؟ اصلا. فکر تنقیدی، افکار حاضره نك بر شکل مهمی در. منقدونک میدانله کتیردیک منظومه آثار جوق بو بوک و مهمدر.

فنیات

علم هیئت و کائنات

برجار

هر بریسی بر منظومه شمسیه نك مرکزی، بر کونش اولان ییلدزلر حقنده ویردیکمز معلومات